

07.06.2021.

7769

Ն. Մանյ.



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ ՊԱՇՏՈՆԱԿԱՏԱՐ
Ռ. ՊԵՏՐՈՍՅԱՆ

« 31 » 05 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0097-21

Ձեռնարկողը՝

«Ռիպուալ» ՍՊԸ

Սյունիքի մարզ, ք. Կապան Սպանդարյան փ. 8/7

Գործունեությունը՝ Կապան համայնքի Սյունիք բնակավայրի Մուսաբեկ փողոցի
թիվ 14 հասցեում նախատեսվող գերեզմանատան կառուցման
շրջակա միջավայրի վրա ազդեցության գնահատման
հաշվեկարգություն
Սյունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
ԹԻՎ ԲՓ 009 7-21

< 31 > 05 2021թ.

Սյունիքի մարզի Կապան համայնքի Սյունիք բնակավայրի Մուսաբեկ փողոցի թիվ 14 հասցեում նախատեսվող գերեզմանատան կառուցման շրջակա միջավայրի վրա ազդեցության գնահատման հաշվետվություն,

Ձեռնարկող՝

«Ռիտուալ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Ա կատեգորիա/

Գտնվելու վայրը՝

Սյունիքի մարզ, Սյունիք բնակավայր

Ներածական մա. Համաձայն առաջադրանքի նախագծով նախատեսվում է «Ռիտուալ» ՍՊԸ-ին սեփականության իրավունքով պատկանող 2.70957 հա հողամասի մեկ հա-ի վրա կազմակերպել գերեզմանատուն՝ հիմք ընդունելով մեկ գերեզմանատեղը՝ 4 X 3մ չափը:

Հողամասի նպատակային նշանակությունը՝ էներգետիկ, տրանսպորտի, կապի, կոմունալ ենթակառուցվածքների օբյեկտների:

Գործառնական նշանակությունը կամ հողատեսքը կոմունալ ենթակառուցվածքների: Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ դասակարգվում է «Ա» կատեգորիայի գործունեության տեսակ:

Նկարագրական մաս. Սյունիքի մարզի Կապան համայնքի Սյունիք գյուղի Մուսաբեկ փողոցի թիվ 14 հասցեում «Ռիտուալ» ՍՊ ընկերությանը սեփականության իրավունքով պատկանող տարածքում «Գերեզմանատան կազմակերպում» աշխատանքային նախագծի ճարտարապետաշինարարական մասի կազմման համար հիմք են հանդիսացել՝

- Անշարժ գույքի իրավունքի պետական գրանցման թիվ 28112019-09-0029 վկայականը,
- Կապան համայնքի ղեկավարի կողմից «09» 12 2019թ. տրված N120 նախագծման թույլտվությունը,
- Սյունիքի մարզի Կապան համայնքի ավագանու 2019թ. Մարտի 29 թիվ 19-Ն որոշումը,
- պատվիրատուի առաջադրանքը,
- նախագծման պայմանագիրը:



Տարածքը ցանկապատվում է, կառուցվում է մեկ հարկանի սրահ հատակագծային 24.0 X 10.6մ, 5.4X3.4մ չափերով պահակատուն և 3.4X2.0մ չափերով սանհանգույց (սանիտարատեխնիկական սարքավորումների (զուգարանակոնքերի) թիվը սահմանվել է 15 մարդուն մեկ սանիտարատեխնիկական սարքավորում հաշվարկով (համաձայն առողջապահության նախարարի 2012թ N15 հրամանի), նախամուտքում յուրաքանչյուր 4 սանիտարատեխնիկական սարքավորման հաշվարկով տեղադրվում է 1 լվացարան, բայց ոչ պակաս, քան մեկ լվացարան՝ յուրաքանչյուր զուգարանում):

Տարածքը հարթեցվում է՝ կառուցելով գրունտային ճանապարհներ՝ գերեզմանատեղերի շարքերը բաժանելով իրարից և մարդկանց համար անցումներ:

Գերեզմանոցի մուտքի մասում պահակատան հարևանությամբ տարածքը հարթեցվում, ծածկվում է ավազակոպձային խառնուրդով 20սմ հաստությամբ որպես ավտոկայանատեղի, հետագայում ասֆալտապատելու նպատակով:

Համաձայն առաջադրանքների նախագծով նախատեսվում է՝ հարթ չկառուցապատված տարածքում կառուցել 24.0X10.6մ հատակագծային չափերով $h=6.3$ մ բարձրությամբ ե/բ հիմնակմախքով $d=40$ սմ հաստությամբ պատերով քաղաքացիական հոգեհանգստի սրահ, որի մեջ նախատեսվում են՝

- հոգեհանգստի սրահ - 100.3 քմ,
- նախամուտք-հանդերձարան - 39.2 քմ,
- առաջին բժշկական օգնության սենյակ - 9.3 քմ,
- ծաղիկ, պսակ և պարագաների վաճառքի սենյակ-17.1 քմ,
- հանգուցյալի պահման սառնարան-17.1 քմ,
- սանհանգույց-3.9 քմ:

Հիմքերը- ժապավենային B-12.5 դասի բետոնից խամքարբետոնե, B-20 դասի ե/բ հիմնային հեծաններով:

Պատերը - $d=40$ սմ հաստությամբ տուֆ քարե շարվածքի B-20 դասի ե/բ սյուներով և հեծաններով:

Ծածկը - կրող մետաղական ֆերմաների վրա կախովի առաստաղով:

Տանիքը - միաթեք, կազմակերպված ջրահեռացմամբ, $d=10$ սմ հաստությամբ սենդվիչ սալերից մետաղական կավարամածի վրա:

Հատակը -բետոնից է, $d=6$ սմ հաստությամբ, $d=8$ սմ հաստությամբ խճի նախաշերտի վրա, որոնք երեսպատվում են մոմլաթ գրանիտե սալիկներով, իսկ սանհանգույցներում՝ կերամիկական սալիկներով:

Շինության շուրջը կառուցվում է 1մ լայնությամբ սալվածք:

Նախատեսվող գործունեության ընթացքում իրականացումը է նաև հողային աշխատանքներ: Ե/բ հիմքիերի տեղադրման համար կատարվելու է մոտ 2000մ³ ընդհանուր ծավալով հողային զանգվածի հանույթ: Հանվող 1957մ³ ծավալով հողային զանգվածը կտեղափոխվի Կապանի քաղաքապետարանի կողմից օրենքով սահմանված կարգով հատկացված վայր, մնացած մասը՝ 43մ³ կարճաժամկետ կպահվի շինարարական հրապարակում և կօգտագործվի որպես հետլիցք:

Հողային աշխատանքների ընթացքում օգտագործվելու է հետևյալ տեխնիկական միջոցները՝

- էկսկավատոր - 1 հատ,
- բուլդոզեր - 1 հատ,



- բեռնատար մեքենա – 1 հատ,

Շինարարական աշխատանքների ընթացքում առաջացած աղբը 10տ տեղափոխվելու է տեղական ինքնակառավարման մարմինների կողմից սահմանված վայր:

Շինարարական աշխատանքների ավարտից հետո տարածքը կբարեկարգվի և կկանաչապատվի:

Մասնավոր գերեզմանատան ջրամատակարարումը և ջրահեռացումը կիրականացվի համաձայն Վեոլիա Ջուր ՓԲԸ կողմից տրվող տեխնիկական պայմանի:

Էլեկտրամատակարարումը համաձայն Էլեկտրամատակարարման տեխնիկական պայմանի:

Աշխատողների կենցաղային կարիքների համար տեղադրվելու են կենսազուգարաններ, որոնք աշխատանքների ավարտից հետո ապամոտաժվելու են:

Հիմնական թափոնատեսակը, որը կառաջանա շինարարական աշխատանքների ընթացքում, կենցաղային աղբն է 1320կգ և շինարարական աղբն է 10տ ծավալով: Շինարարական աղբը ամբողջությամբ տեղափոխվելու է տեղական ինքնակառավարման մարմինների կողմից հատկացված վայր: Առաջացած կենցաղային աղբը և շինարարության փուլում և շահագործման փուլում կտեղափոխվի մոտակա աղբավայր քաղաքը սպասարկող օպերատորի կողմից:

Համաձայն կառավարության 2006 թվականի նոյեմբերի 23-ի թիվ 1910 որոշման գերեզմանատներն ու դիակիզարաններն տեղադրվում են բնակելի տներից, դպրոցներից, նախադպրոցական, առողջապահական և հասարակական այլ շենքերից ու հանգստի գոտիներից առնվազն 300 մետր հեռավորության վրա:

Բնապահպանական միջոցառումների համար նախատեսվում է ամբողջ շինարարության ընթացքում 700000 հազ. դրամ:

Անմիջապես նախատեսվող գործունեության տարածքում առանձնահատուկ պահպանության կարիք ունեցող, վտանգված, խոցելի, անհետացման եզրին գտնվող և ՀՀ բույսերի և կենդանիների Կարմիր գրքում կամ ԲՊՄՄ կարմիր ցուցակում գրանցված բուսատեսակները և կենդանատեսակները բացակայում են: Տարածքում չկան նշված բույսերի և կենդանիների համար հարմար ապրելավայրեր և բնադրավայրեր:

Բնության հուշարձաններ հաշվառված չեն, հատուկ պահպանվող տարածքների հետ համընկնում չկա:

Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

-շինարարական աշխատանքների /փոշի առաջացման աշխատանքներ/ ընթացքում անհրաժեշտ է իրականացնել ջրցան,

- սորուն նյութերի պահեստները ծածկել համապատասխան բարձրությամբ թաղանթով, ինչը կանխարգելում է փոշու տարածումը,

- պարբերաբար ստուգել շինարարական տեխնիկայի և փոխադրամիջոցների տեխնիկական վիճակը և իրականացնել կարգաբերում,

- ջրցանի ծավալները հաշվարկվում են այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,



- հողի բերրի շերտը հանել և պահպանել ծածկված վիճակում՝ բացառելով շինարարական աշխատանքների հետևանքով դրա աղտոտումը և որակական հատկանիշների վատթարացումը,
- ջրային և հողմնային հողատարումից զերծ պահելու համար պահեստավորված հողաթմբերը ծածկվում են խոտաբույսերով կամ իրականացվում են այլ միջոցառումներ՝ հողաթմբերի ամրացում, ծածկում և այլն,
- շինարարական նյութերը կտեղադրվեն բետոնապատ մակերեսի վրա,
- շինարարական սարքավորումներից նավթանյութերի արտահոսքի հավանականությունը նվազեցնելու նպատակով, անհրաժեշտ է, որ այդ տարածքներում ապահովվի սարքավորումների և մեքենաների պատշաճ տեխնիկական վիճակ,
- աշխատանքների ավարտից հետո կմաքրվեն բոլոր տարածքները և առաջացած թափոնները կտեղափոխվեն ինքնակառավարման մարմնի կողմից հատկացված աղբավայր,
- շինարարության ընթացքում առաջացող շինարարական աղբը 10տ քանակով կտեղափոխվի համայնքի կողմից հատկացված վայր,
- տարածքը կբարեկարգվի:

Պատճառաբանական մաս. Կապան քաղաքում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները ինչպես նաև և Սյունիքի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը՝ ըստ հայտով ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:
- Շինարարական աշխատանքների ընթացքում առաջացող թափոնների այրումը խստիվ արգելվում է: Թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Կապանի քաղաքապետարանի հետ համաձայնեցված:
- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N 438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել



աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Ռիտուալ» ՍՊ ընկերության կողմից ներկայացված Սյունիքի մարզի Կապան համայնքի Սյունիք բնակավայրի Մուսաբեկ փողոցի թիվ 14 հասցեում նախատեսվող գերեզմանատան կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝

Հ. Մեսրոպյան

Տնօրենի տեղակալ՝

Խ. Մարտիրոսյան



Ընդամեն 5 էջ